

廣大蓮華莊嚴曼拏羅滅一切罪陀羅尼經

宋西天三藏朝散大夫試鴻臚少卿傳教大師施護奉詔譯

如是我聞一時佛在波羅柰國鹿野苑中瞻波無憂樹下與大比丘衆萬二千五十人俱并慈氏菩薩等諸菩薩摩訶薩及天龍夜叉

卷二

十三

羅刹阿脩羅乾闥婆迦樓羅緊那羅摩睺羅伽人非人等恭敬圍遶而為說法初善中善後善其義深遠梵行清淨一切圓滿爾時波羅柰國有大國王名曰梵壽身心純善慈愍有情於彼大地一切衆生養育如子其王出

城遊行佛寺至精舍門須臾顧視有守門者而白聖衆梵壽大王今在門外將欲入寺即時聖衆速令知事僧排列花鬘知事僧聞已開其殿門求覓花鬘而無所有於佛頂上見有花鬘即取持行與上座等并諸聖衆迎接國王所持花鬘即以奉上王即受之而戴頭上經須臾間忽然頭痛王自思惟云何如是我今應是夏熱出行致斯患苦王乃即時禮辭聖衆迴歸宮闕告近臣曰我患頭痛今擬沐浴汝宜速疾供辦香水王即解其一切莊

嚴衣服即便洗浴有一宮人善解供承洗王
身體沐浴久時頭痛不愈王乃出勅宣詔醫
人醫人即至王遂告言我因夏熱出城遊行
於道路中而患頭痛即便沐浴其疾不愈卿
意云何醫人對曰王之所患傷於內熱即用
牛頭梅檀塗其身上王即依奏塗其梅檀亦
不得差於日夜分得大苦惱應諸醫人俱至
王所互相視之而發言曰此疾所因不可測
度深懷憂惱王既知是我等作何方便得免
王疾言論之次王有一妹名酥鉢哩合野發

菩提心信重悲愍見王患苦心生怖懼以手
摩頂而白王曰云何怖懼如怯弱之人王即
告言酥鉢哩野我今不知云何而得不苦不
怖妹復白言王若如是請詣佛所佛具大悲
必為救濟王即告言汝所作意善哉善哉我
為忘失今即須往尋勅重臣令速排列車輦
騎乘時御車者駕五百乘車王與眷屬并諸
臣寮出於城外往瞻波無憂樹下而詣佛所
於其中路有一女人負薪為活手把柴擔生
產路傍王妹見已不忍視之以手掩面迷悶

卷二

十四

倒地王見如是即問其妹云何苦惱汝爲我
說其王皇后名酥羅遜捺吒以意思惟而告
王言彼酥鉢哩野迷悶倒地爲見路傍擔柴
女人生產其子苦惱甚深彼妹心慈不忍見
之遂乃如是王既聞已即告皇后罪業宿報
不可逃免王令宮人給賜財物濟彼貧乏速
令歸家其妹遂悶以拂扇涼還得甦醒而復
發言南無沒馱野大王貧女大苦我不忍見
之相次前行遙見園林漸近精舍王乃下車
執酥鉢哩野手入於園林見佛世尊如妙金

山放大光明踰百千日其王見已即放妹手
偏袒右肩脫其頭冠往詣佛前合掌恭敬旋
遶世尊頂禮佛足投地良久時彼世尊舒金
色寶臂摩於頭頂告彼王言汝起汝起王聞
佛勅應聲即起經刹那間頭痛即愈身心適
悅王甚歡喜時酥鉢哩野與諸眷屬同坐一
處王見於妹面色憂愁而即問言云何愁惱
令彼問佛妹即聞已即從座起偏袒右肩右
膝著地合掌恭敬瞻仰尊顏白佛言世尊大
王日夜甚患頭痛王諸眷屬及大臣等皆懷

卷二

十五

憂惱因是事已俱來佛所於中路傍見一擔柴女人身著故衣頭髮蓬亂聲喚啼泣產生於子我爲見此得大驚怖深厭女身世尊我等云何得免女身又此大王所患頭痛名醫救療而不能痊今蒙世尊手摩頭頂經刹那間即得安樂有何因緣願佛慈悲而爲解說爾時世尊聞是語已於其面門放大光明具種種色照於無邊無量世界而此光明復入於口爾時尊者阿難見佛光明普照世界以佛威德心腹懷疑即從座起合掌恭敬頂禮

佛足而白佛言世尊今日有何因緣放大光明普照佛刹唯願世尊略爲宣說佛告阿難於過去世此城之中有大國王名曰持光彼王皇后名曰無憂王所愛重第二夫人名阿努播摩其國界畔有一小國統領兵衆來侵大國時持光王即統四兵象馬車乘并諸大臣作於伎樂隨從出城奔往討伐王在中路軍兵暫止時后阿努播摩覺自懷妊將欲生產說與宮人令彼內官具以所事奏持光王時彼內官奏斯事已王即有勅令彼夫人却

歸宮內夫人歸已難爲生產即遣大臣撈哩迦具以斯事速奏王知王既聞已即乘車騎反歸宮闕至夫人處問訊安慰王見夫人生產苦惱對三寶前焚香灑水禱祝發願其灑餘之水賜夫人喫是時無憂皇后心懷嫉妬執於王手而告王曰阿努播摩夫人情性狂顛無其慙耻裸形垂髮神鬼無異王聞如是慙而不顧經須臾間阿努播摩生其太子身真金色相好端嚴福德圓備即以太子奉上大王王既見之心大歡喜復經少時宮人相

卷二

十六

聚有其一人說無憂皇后妬嫉之言時阿努播摩夫人忽聞其言即問宮人速令具說時彼宮人不敢隱藏具述前事阿努播摩夫人聞是說已心如割切而發言曰我何顛狂我何無慙唱苦迺曾迷悶倒地時彼宮人以水灑面執拂扇涼久時不惺因此命謝時諸宮人高聲啼哭王忽聞聲驚怪異常勅令內官往問所由內官奉命問守宮門人時守宮門者復問宮人緣何哭泣王速要知時彼宮人悲淚哽咽而即告言今爲阿努播摩夫人忽

爾命終是以哭泣宜速奏王是時大臣聞是事已心懷憂惱而戴愁容奔往王前王遙見之知有災惱即問使曰莫是太子病耶夫人病耶使曰今爲阿努播摩夫人忽然命盡其王聞已深懷痛惱如樹斷根迷悶倒地時諸大臣等以水灑面良久乃甦卷二群臣奏曰請王安心莫生憂惱宮嬪美女其數百千保益大王恒增歡樂王聞是安慰即得平復佛告阿難昔日無憂皇后生嫉妬心者今於路傍爲擔柴貧女生產者是昔日阿努播摩夫人性

行慈愍今酥鉢哩野是阿難於意云何若人多行貪心嫉妬而於後世得不可愛大惡果報佛告阿難若梵壽王患於頭痛者爲王入於園林上座令知事僧取其花鬘迎接於王時知事僧名曰淨軍後生年少身心散亂性行麤猛入彼殿中無別花鬘即於佛頂之上輒取花鬘用獻國王王既受已即戴頭上經刹那間而患頭痛致使群臣眷屬悉皆愁惱王聞佛言因果無謬而即印言如是如是爾時有一菩薩名曰大意在大衆中即從座起

偏袒右肩合掌向佛白佛言世尊若有衆生
於常住錢物將爲自用得何果報佛言此人
命終墮阿毗地獄大意菩薩復白佛言此人
云何救濟云何安慰以何爲主爾時世尊舒
其右手告觀自在菩薩汝說汝說汝有大悲
心真言儀軌能救度一切衆生若此衆生入
阿毗地獄者今此真言善能救濟安慰及爲
主宰觀自在菩薩聞是語已即從座起合掌
白言世尊諦聽我有大悲心陀羅尼能與一
切衆生作廣大利益世尊讚言善哉善哉我

今諦聽以大金剛之印而以印之爾時觀自
在菩薩摩訶薩復白世尊我此大明陀羅尼
決定消除一切罪業一切惡趣一切苦惱復
令衆生安住菩提之道今此真言微妙最勝
如大寶樹能圓滿一切願世尊復言觀自在
菩薩汝但當說卷二不思議廣大蓮華莊嚴曼拏
羅陀羅尼心令此無能勝大力真言圓滿有
情一切之願爾時觀自在菩薩觀佛世尊第
二第三作如是請頭面禮足住立佛前說此
大悲心陀羅尼

曩謨引囉怛曩合怛囉合夜引野曩麼阿哩
也合縛路引吉帝引濕縛合囉引野冒地薩
怛縛引合野摩賀引薩怛縛引合野摩賀引
迦引嚕尼迦引野怛你也合他鉢納彌引合
鉢納彌引合鉢納摩合鉢囉合底瑟耶合帝
鉢納謨引合那囉摩賀引曼拏羅彌喻四娑
囉婆囉迦囉迦囉枳哩枳哩俱嚕俱嚕摩賀
引婆野三摩底杜曩杜曩尾杜曩尾杜曩四
哩孕合摩賀引尾你曳合輸馱野輸馱野薩
哩縛合惹敢合摩波覽波囉引尾彌引沒馱

也合沒馱也合摩賀引惹拏合曩鉢囉合祢
閉娑縛合賀引

爾時觀自在菩薩說此大悲大明陀羅尼已
一切大地六種震動一切天宮龍宮及一切
樂叉捷達縛阿脩羅迦樓羅緊那羅摩睺羅
伽等所居宮殿皆大震動一切魔王得大驚
怖心懷憂惱一切惡龍及諸鬼魅迷悶倒地
隱沒不現一切地獄有情承真言光破罪苦
暗即得解脫往生天上以天優鉢羅花俱勿
那花白蓮花曼陀羅花摩訶曼陀羅花於其

佛前持用供養爾時世尊發廣大微妙梵音
如迦陵頻伽聲讚觀自在菩薩所說陀羅尼
甚深不可思議汝為一切衆生復說畫像念
誦廣大利益曼拏羅儀軌時觀自在菩薩即
奉教勅而說儀軌須得清淨童女合於茸線
復令持戒潔淨之人織成疋帛長其四肘三
肘二肘或至一肘用香水浸上軸令展令潔
淨持戒之人畫於幪像於幪中間先畫觀自
在菩薩坐蓮花座天衣絡腋頭上戴冠冠上
有無量光佛以諸莊嚴而嚴飾之左手持蓮

華右手作施願印於觀自在左邊畫吉祥菩
薩手執白拂右邊畫蓮華吉祥菩薩手執蓮
華此二菩薩各坐蓮華座於幪上面相對畫
二天人手持花鬘於幪下面畫其地天手執
蓮華蓋畫難陀跋難陀二大龍王手捧觀自
在蓮華座於彼座下右邊畫持誦者右膝著
地手持蓮華於幪四邊空處徧畫蓮華具種
種顏色復於幪下面畫大海水及水族之類
優鉢羅華俱勿那華白蓮華一一開敷復用
疋帛畫百葉蓮華作於四色安置幪前於彼

蓮華上獻五供養復用米粉或白麵或香泥亦得作一輪如大母指量又逐日獻蓮華八百以白檀水搗過復用白檀水作曼拏羅用蓮華印誦前蓮華真言獻華至一洛叉時用白月八日或十五日潔淨齋戒作金蓮華或銀蓮華八百作八種廣大莊嚴或為蓮華蓋蓮華幡等而為供養復於幃內小畫聖眾用五種飲食作大供養以一合殊妙蓮華獻於聖眾然後作安像慶讚儀則所有苾芻苾芻尼優婆塞優婆夷具信心者以齋食供養如

是修崇所有自前破用他佛像前塔廟內常住財物一切過非悉皆除滅業障清淨亦不墮惡趣後生佛刹臨命終時坐見聖觀自在菩薩於廣大蓮華莊嚴曼拏羅樓閣中作安慰之言勿怖勿怖當生勝處不受女身是時觀自在菩薩說是語已於大眾中有一菩薩名師子意即從座起合掌向佛白世尊言若梵壽王不知是佛頂上花鬘而忽戴之經刹那間尚感頭痛得大苦惱等若復有人知是佛像塔廟常住之物將自使用之時得何果

報佛言師子意菩薩善哉善哉能問斯事若
梵壽王心意清淨信重三寶悞戴花鬘而獲
現報得其頭痛者譬如潔淨白衣下一墨點
衆人見之其墨甚少若未來世衆生破用常
住三寶之物譬如青衣擲於墨器之中所獲
重罪於諸餘法無能救濟復次師子意菩薩
若有信心施主捨其財利造於寺舍塔廟或
功德佛像或供養三寶若是國王大臣於彼
僧處侵奪財物爲己使用令彼苾芻受其貧
苦欲於威勢退精進力斷絕持誦有如是失

彼諸王臣得大罪苦如前無異若有苾芻雖
有信解辯才智慧而樂親近國王重臣廣求
財利我慢貢高破犯戒律我今於此復以譬
喻而明斯事師子意菩薩譬如有人飢御飲
食食有毒藥其藥或一兩一分乃至如芥子
許彼人食已決定命終出家之人亦復如是
恃王威勢誑求財利所得供養非正命食此
人決定常獲惡報爾時師子意菩薩白世尊
言若有出家之人身披法衣妄求財利我慢
貢高若王臣等敬重供養應無福利佛言師

子意菩薩莫作是說譬如有人迷悶倒地依人扶策即得身起亦如大象陷彼泥中而人不能起彼象身須得別象扶翼而出又如有入受灌頂王或於後時失彼王位凡常之人無能護衛唯有力大臣威勢強勇能復王位師子意菩薩我教法中亦復如是若有依法者不依法者俱是佛子皆成利益若生輕毀何處得福爾時一切大眾聞是語已異口同音高聲唱言世尊我等今者蒙佛度脫大得忻慶令一切衆生得意願圓滿佛言若有人

於此陀羅尼正法若自書若使人書受持讀誦恭敬供養所獲福德殊勝最上若復有人如是見彼觀自在菩薩摩訶薩所傳第二法輪大力陀羅尼正法之名是人以為建法幢吹法螺深種善根爾時梵壽王及一切大眾發淨信心即從座起合掌向佛而發誓言願我等今後永不侵受佛寺塔廟聖衆常住之物及一花一果復於四大城門造四大寺皆以七寶莊嚴願佛證知佛言如是如是宜作勝利遠離嫉妬得正寂滅時梵壽王作是願

已遶佛三帀與其眷屬還歸本處復為百千
衆生說此正法廣行布施作大佛寺時王妹
酥鉢哩野優婆夷於王後宮為諸姝女五十
萬人廣說妙法發誠實願作是願已是諸宮
女皆轉女身而成男子彼一切人見是事已
皆大驚怪於陀羅尼法信受依行高聲唱言
唯佛唯法唯僧最上福田是真歸依若有供
養受持此陀羅尼者是人種佛善根得福最
上佛說此經已諸菩薩摩訶薩及天人阿修
羅乾闥婆人非人等皆大歡喜信受而去

廣大蓮華莊嚴曼拿羅滅一切罪陀羅尼經

音釋

甦孫祖切死也努奴古切撈子末切裸魯果切肘
陟而更切也也擻陟孟切開也搯手末切赤體也以
尺為肘二也擻張畫續也搯手末切赤體也以

盡二

廿三